

The Center for Research Libraries scans to provide digital delivery of its holdings. In some cases problems with the quality of the original document or microfilm reproduction may result in a lower quality scan, but it will be legible. In some cases pages may be damaged or missing. Files include OCR (machine searchable text) when the quality of the scan and the language or format of the text allows.

If preferred, you may request a loan by contacting Center for Research Libraries through your Interlibrary Loan Office.

Rights and usage

Materials digitized by the Center for Research Libraries are intended for the personal educational and research use of students, scholars, and other researchers of the CRL member community. Copyrighted images and texts are not to be reproduced, displayed, distributed, broadcast, or downloaded for other purposes without the expressed, written permission of the copyright owner.

© Center for Research Libraries

Scan Date: October 7, 2008

Identifier: s-m-000015-n14



مجموعه فنون

از

جمعیت علمیہ عثمانیہ

ایکینچی پیم

نومرو ۱۷

جادی الاول

استانبول

جمعیت علمیہ عثمانیہ مطبعہ سنده طبع اولنشد

۱۲۸۰



(بریتانیا اطهری تاریخ و جغرافیائی) (مابعد)

مجموعه مزك پكن دفعه كى نومروسنده انگلتره دولتك ابتدای
تشككندن شمديه قدر قاعد مسند حكمرانى اولان سكر خاندانك
دردنچيسندن طقوزنجى حكمدار بولنان دردنجى هارى
زمانه دكين سرزده ساحه ظهور اولان وقوعات مختصراً كشيده
سلك سطور قلمش ايدي . مومى اليه دردنجى هارى سلفك وفاتيله
بالاستقلال جالس سرير سلطنت و اقبال اولدقد نصكره اكثر
اوقانده فرانسه واسقوجيا قرالرييله محارب بولنه رقى بوصورته
اون درت سنه صندالى نشين قرالى اولوب ۱۴۱۳ سنه سى وفات
ايمكله اوغلى بشنجى هارى جانشيني اولمشدر . بودنجى پدرينك
اثرينه سلوك ايدرك فرانسه ايله يك چوق محاربيله ايلوب عاقبت الامر
مظفر مظهريت كامله اولمش و همان فرانسه قطعه سنى
بوسبتون قبضه تصرفه المش ايسه ده فتوحاتى ارا سنده
وفات ايمكله اوغلى النجى هارى هم انگلتره وهم فرانسه قرالى
و ايله سرير سلطنته جلوس ايلمشدر . فقط بر مدت صكره
فرانسه قرالى تكرار محاربه يه قيام ايله انگلتره غلبه ايدرك
ملككتى استخلاصه موفق اولمشدر .

مومی الیه التجی هاری زماننده مسبق الذکر او چنی ادوارک
 دردنجی اوغلی یورق دوقه سی ادموند لانغلیک حقدی ریشلر
 انکتره تختی ایچون ادعای حقوقه قالمشسینه انکتره اها لسی ایکی
 فرقه اولوب بریسی مومی الیه التجی هاری یعنی لانقاستر فامیلیا سی
 و دیگر یورق دوقه سی فامیلیا سی طرفی التزام ایدرک فریقین
 یینده یک چوق محاربات خوزیرانه وقوعبولشددر علامت فارقه
 اولق اوزره بیراقلرنده لانقاستر فامیلیا سی قرمز یورق فامیلیا سی
 بیاض کل استعمال ایلدکلرین محاربات مذکور انکتره
 تاریخنده ایکی کل محاربه لری اسمیه معروف و مشهوردر اشبو
 ایکی فامیلیا میانه سنده حدت مدیده محاربه دوام ایدوب
 بالاخره ریشلر حرص جاهی اغورنده فدای جان ایتدیسده اوغلی
 دردنجی ادوار مظهر غلبه اوله رق انکتره تختیه جلوس
 ایتش و التجی هاری بی طوتوب حبس ایلشددر . التجی هاری
 مجسده وفات ایتکله مخصوصاً اعدام قلندیغی ظن اولندیسه ده کیفیت
 صورت وقوعی میدانه چیقماشدر . مومی الیه دردنجی ادوار
 دخی یکر می ایکی سنه اجرای سلطنتدن صکره وفات ایدرک
 برینه برادری ریشلرک وصایتی تحتیه اولق اوزره اوغلی بشنجی
 ادوار اون ایکی یاشنده و ۱۴۸۳ سنه سنده جالس تحت حکمداری
 اولش ایسه ده ریشلر غدار ککرک مومی الیه بشنجی ادواری
 و کرک کوچک برادرینی اعدام ایتدیره رک تاج سلطنتی غصب ایله
 سنه مرقومه ایچنده قاعد صندالی قرالت اولشددر . انجق یکنلری
 حقدیه بر وجه مشروح وقوعبولان معامله غدریه سندن و ذاتاً
 ظلم و اغسافه زیاده سیله مائل بولندیغدن حقدیه اها لیک حاصل اولان

تفر و خصوصتی لانقاستر فامیلیا سنه قرابت صهریه سی اولان
 وجدی تودور نامعلوم بر فامیلیان بولنان هانری تودور فرصت عدا ایدرک
 مومی الیه ریشارک علیه نه قیام الیه طو توب کندی الیه
 اعدام ایتیش و یدنجی هانری نامیله انکلتزه تختنه جلوس ایلشد.
 مومی الیهک بر منوال محرر لانقاستر فامیلیا سنه ذاتاً مناسبی اولوب
 جلوسدن صکره یورق فامیلیاسدن دردنجی ادوارک قرزی الیراتی
 دخی تزوج ایتکله ایکی فامیلیا حقوقنی برلشد یروب مسبوق الذکر
 ایکی کل محاربانیه نهایتبخش اولمش و بوصوله انکلتزه تخت
 سلطنتی دخی تودور خاندانه انتقال ایلشد.
 مومی الیهک اوائل سلطنتنده (سینل) و (ویلفورد) و (پرکن) نامنده
 اوج کشی ظهور ایدرک هربری بر درلوداعای کاذبه حقوق وراثت
 دعواسنه قالقشیشلر ایسده یدنجی هانری اوچنده غلبه ایدرک
 بوندن صکره اسایش اوزره اجرای سلطنت ایلش و زیاده سیله
 حریص و طمعکار اولدیغندن یکریمی درت سنه ممتد اولان مدت
 سلطنتنده خزائن بیشمار جمع و ادخار ایلشد و ۱۵۰۹ سنه سی
 وفات ایتکله اوغلی سکرنجی هانری جانشینی اولشد و سکرنجی
 هانری اوائل سلطنتنده خیلی وقت فرانسه واسقوجیا قرالریله محارب
 بولمش ایسده فرانسه علیه نه وقوع بولان محاربانده مکرراً مظفر
 اوله رق شرفلیجه عقد مصالحهیه موفق اولمش واسقوجیا قرالی
 دردنجی ژاق دخی بر محاربهده مغلوباً و مجروحاً وفات ایلش
 اولغله اواخر سلطنتی غائله خریبه سزمرور ایلشد و مومی الیه
 شهوات نفسانیه سنه زیاده محکوم اولدیغندن حرمنده کتخدا قالدین
 مقامنده بولنان (آبولیس) نام خاتونه علاقه ایدرک اقتضای مقامی

اصلاً دوشنبوب حلیله سی قترینه یی تطایق ایله مومی الیهایی تزوج
ایتمک ایستمش ایسه ده پاپا موافقت ایتمدیکندن یالکز اشبو زوجه
خصوصنده اولق اوزره پروتستان مذهبنه اقتدا ایدرک اجرای
مقصدینه ظفریاب اولمشدر . فقط زوجه جدیده سیله
اویوشه مدیغند درت سنه صکره مومی الیهایی زنا ایله اتهام ایدرک
اعدام ایتمش و بوندن صکره زوجه لرینک کیمنی تطایق و کیمنی اعدام
ایدرک بر برینی متعاقباً درت دفعه دهها تأهل ایلمشدر . مومی الیه ۱۵۴۴
سنه سی وفات ایتمکله اوغلی التنجی ادوار قاعده مسندقرالی اولمشدر .
التنجی ادوار حین جلوسنده آون یاشنده اولدیغندن بر مجلس
وصایت تشکیل اولنه رق امر حکومت مجلس مذکوره تفویض
اولندی . انکلتزده پروتستان مذهبک ترویجنه پدری باشلامش
اولدیغندن مذهب جدید طرفدارلری قرال مومی الیهی پروتستان
آیینی اوزره تربیه ایدرک بوجهته انکلتزده حکومت پروتستان
مذهبنه اقتدا ایلمش اولدی . مومی الیه انکلتز قانونی اقتضا سجه
سن رشد واصل اولمقسزین ۱۵۵۳ سنه سی وفات ایتمکله یرینه
بعض متعینانک سوقیله خاندان قرالی یه قرابتی اولان سوفولق دوششک
قری ژان غری اجلاس اولمش ایسه ده بر قاج ای صکره تخت
سلطنتک وارثه صحیحه سی و قرال متوقانک همشیره سی ماری
تدارک ایتمدیکی طرفدرانک معاوضتیه استخلاص حقوقنه موفقه
اوله رق سنه هر قومه ایچنده جالسه سریر سلطنت اولمش و رقیبه سنی
ظوتوب اعدام ایلمشدر . مومی الیه ماری قتولک مذهبنه متمسکه
اولدیغندن انکلتزده قتولک مذهبک یکسیدن تحکیم و ترویجینه
صرف مساعی ایله پروتستانلر حقنده پک چوق مظالم و تعذبات

اجرا ایتش و یویولده خیلی ادم قتل و اعدام ایدوب حتی بعض
پروستان معتبرانی احراق بانئاردخی ایلشدر. جلوسندن بش سنه
صکره بلاولدوفات ایتکله یرینه همشیره سی الیرا بت جالسه مسند
حکمرانی اولمشدر.

مومی الیه اقله ومد بره بزمکه اولدیغندن ومدت سلطنتی خلیجه
امتداد ایلدیکندن دولتک قوه بحریه وبریه سنک تنظیم
وتکثیرینه وزراعت وتجارک ترقی وتوسیعته خلی همت ایتش
ایسنده پروستان مذهبنه مقتدی و غایت متعصبه اولغله قتولک
مذهبنده بولنلری کاملاً محو وازاله ایله انکتره بلادینک کافه سنه
پروستانلغک نشر و تعمیمنه حصر افکار و قتولکر حقنده فوق الغایه
اجرای ظلم واعسافه ابتدار ایدرک بویا بده همشیره سنک
پروستانلر حقنده اجرا ایلدیکی مظالم درجه سنی تجاوز ایلشدر.
انکتره ده پروستانلغک کمالیه تأسس وتقرری بونک زماننده
حصولیدیر اولمشدر. مومی الیه متأهله اولدیغندن کندوسنه
خلف اوله جق اولادی بولمدیغی جهته ستوار خاندانندن
اولوب قرابت صهریه مناسبتیه انکتره تمسندده حقوقی بولان
اسقوچیا قرالی التیمی ژاقی ولی عهد تعیین ایلش ایدی ۱۶۰۳
سنه سی وفات ایتکله یرینه مومی الیه برنجی ژاق عنوانیه
جلوس ایتش وبوصورتله انکتره تختی ستوار خاندانه انتقال
یدرک انکتره ایله اسقوچیا وایرلانده غران بریتانیا حکومتی نامیه
مومی الیه برنجی ژاق زماننده حکومت واحده یه منقلب اولمشدر.
مومی الیه برنجی ژاق دخی قتلکره خصم اولدیغندن هرنقدر سلفی
درجه سنه قدر کتاش ایسنده قتولکر بونک زماننده دخی

از ظلم و اعتساف کور ما مشلردر پارلمنتونك رأینه مراجعت
ایتمکسزین صورت مطلقه ده اجرای سلطنت ایتمک یولنی اجدیغندن
خلنی زماننده وقوعه کلان اختلال عظیمک تخمینی بواکوب کمتشدر
مومی الیهک اداره مملکتجه اهلیت و معلوماتی اولوب فقط علم مافوق
الطبیعه ده و علم الهیده زیاده مهارتی وازایدی ۱۶۲۵ سنه سی
وفات ایتمکله یرینه اوغلی بریجی شارل جلوس ایلدی مومی الیه
پدرندن کور دیکی تربیه اقتضاسیجه انکتره نك حکومت مشروطه
اصولنه کیردیکنی طانییوب اسلافی طرفندن قبول اولنان شرائط
اساسیه حکومت قنوه اعطا اولمش برطاق امتیازات و مساعدات
قیلندندر حکمدار ایسترسه رعایت ایدر ایسترسه فسح ایدر
حکمدارلق مجرد قبل الهیدن براحسان مخصوص اولوب تبعه نك
افعال و حرکات حکمداره دخل و تعریضه حتی یوقدر افکارنده
بولندیقندن پارلمنتوینی یوق حکمنه قوبه رق صورت مطلقه ده اجرای
حکومه باشلامش و فرانسه و اسپانیایعلیه نه وقوعبولان محاربه لده
مغلوب اوله رق مضایقه شدیدیه یه دوچار اولوب بونك دفعی ایچون
دخی اهالی یه برطاق تکالیف ثقیله تحمیل ایلش ایدو کندن
هر طرفه اثار عصیان نمایان اولمسیله و قرال ایله پارلمنتو بیننده
یک چوق کشاکش وقوعندن صکره قرالک سوء تدبیری و بعض
اصحاب اغراضک تحریکی محاربه داخلیه یی انتاج ایلسیله اهالینک
اکثری پارلمنتو ایله بالاتفاق قرال علیه قیام ایدوب و پارلمنتو
اعضاسندن (قرومول) و (اسکس) نام کسنه لر تحت قو مانده سنده
اوله رق براردو تشکیل اولوب وقوعبولان محاربه لده قرال طرفی

مغلوب اولمش وقرال مظهر معاونت اولورم ما موليله وطن اصلپسنى
اولان اسقو چايه فرار والتجايلىش ايسهده اسقو چيالو طرفندن
خصماسنه تسليم قلمش اولمغله برمدت محبوس قالدقندن صكره
پارلمنتو حضورينه چيقاز يلوب شرائط اساسيه حكومتى طائيدىغندن
وظالم وعدار بولنديغندن بحثله قتلنه حكم اولنه رق سياستگاهه
كوتور يلوب الت مخصوصه واسطه سيله اعدام اولمشدر
حين اعدامنده قرومول حاضر اولديغندن قرالك سرقمظوعنى
انه الوب اصلا متأرا اولمقسزىن مستهز يانه صورتله كنج ايش ده
خلى سنه معمر اوله ييلورمش ديدىكى مر ويدر.

اشبو وقعۀ غريبه نك سبب مستقلى مومى اليه قرومول اولوب
انكلتره تاريخچه پك مشهور اولديغندن ترجمه حالى مختصراً
بروجه آتى بيان اولتور.

قرومول اولدقجه معتبر بر فاميل يادن اولوب ۱۶۴۰ سنه سى مبعوثان
ملت مجلسى اعضا لغنه انتخاب اولمش ايدى. پارلمنتوايله مومى اليه
برنجى شارل ميانه سنده محاربه تحدى ايتدىكى ائنده كندى اقچه سيله
برالاي عسكر ترتيب و تجهيز وائى محاربه ده اثبات درايست
وشجاعت ايلسى اوزرينه سوارى عسكرى قوماندانلغنه تعيين
اولدى. برنجى شارلك انهمزام واعدامنى انتاج ايدن (مارستون مور)
و (نيوبورى) محاربه لى قزانه رق بين العساكر اكنتساب شهرت
ايلسندن ناشى طائفۀ عسكر يه يى طرفه جلب و پارلمنتو اعضا سندن
نتيجه املنى حسن ايدوب تشبثاته قارشو طور نلرى قوه جبريه ايله
طرد و تبعيد ايدرك طرفدارى بولسان اعضا ايله بالاتفاق مومى اليه

برنجی شارک اعدا منہ حکم و جمہوریتی اعلان ایلدی . امور دولت
 اوج سنہ مقداری قرق بر اعضادن مرکب بر مجلس مخصوص
 معرفتیلہ اداره اولندقدن صکرہ قرومول حامی جمہوریت نامیلہ
 رئیس جمہور انتخاب اولمش و وفاتہ قدر بالا استقلال اجرای
 حکومت ایلشدر . مومی الیہ قرال متوفی حقندہ ہر بقدر
 غدرایتدیسہ دہ رئیس جمہور اولدقدن صکرہ انکلتہ نک
 داخلأ و خارجأ تزايد شان و شوکتی و تجارت و صناعت و زراعت
 و حراثتک توفیر و توسیعی حقندہ پک چوق خدمت ایلشدر .
 بعد وفاتہ اوغلی ایکنجی قرومول رئیس جمہور نصب اولمش ایسہ دہ
 مومی الیہ پدرینک نہ اوصاف مقبولہ ونہ اخلاق مقدوحہ سیلہ
 متصف و متخلق اولدیغندن اداره حکومتیجہ عدم اقتداریتی اکلا یہ رق
 بالطوع والرضا استعفا ایلہ الی آخر العمر گوشہ نشین اتروا اولشدر .
 ایکنجی قرومولک استعفا سندن صکرہ عساکر قوماندانلرندن
 جنرال لامبر رئیس جمہور نصب اولمغہ چالشمش ایسہ دہ پارلمنتو
 موافقت ایتدیکنندن طائفہ عسکریہ ایلہ پارلمنتو میانہ سندہ اختلاف
 ظهورینہ مبنی اسقوجیا اردوسی باش قوماندانی و خفیاً قرالیت
 طرفداری بولنان جنرال (مونق) اردوسیہ برابر پارلمنتوی
 محافظہ شایعہ سیلہ لوندریہ کلہرک کافہ عساکرہ باش قوماندان
 تعیین اولمشی و پای تخت قبضہ اداره سنہ المسی اوزرینہ پارلمنتویہ
 طرفداری بولنان ادملری ادخال ایلہ ۱۶۶۰ سنہ سی جمہوریتک
 فسخیلہ قرالیتک ابقاسی و قرال متوفانک اوغلی اولوب فرارأ فلنک
 طرفندہ بولنان ایکنجی شارک جلاب واجلاسہ خصوصنہ موفق اولدی .
 (بقیہ سی صکرہ)
 (قدری)

(علم معادن) (مابعد)

طبیعتده اتون یا خالص و یا خود معادن سائرہ ایله مخلوط اوله رق بولنور و مخلوط بولنا نلری اکثر یا کومش و باقی وقور شون و تیمور جو هر لری داخلنده اولوب مصارفی قورر ایسه ذکر اولنان معدنلردن افزاز و تفریق اولنور. مقدمه بلناسبه ذکر اولندیغی اوزره خالص اتون اجسام بسیطه دن ارلوب عملیات کیمیویه واسطه سیله اجزای مرکبه سنک تحلیلی ممکن دکندر. کومشک تعریفنه کچمزدن اول ذی قیمت اولان معادنک کیفیت اخراج و مقدارینه و حالات سائرہ سیله قتنی محالزده بولندقلرینه دائر بعض معلومات مجمله اعطاسی مناسب کورلمشدر.

معادن مذکوره کره ارضک محال مختلفه سنده بولنوب مسبق الذکر اورال طاغلری معدنلری کشف اولنمزدن مقدمه مدار معدنلره قطعات حارده تصادف اولنورایدی شمدی کره ارضک قطعات خسه سنک جله سنده بولنور. هر نقدر اتون و کومشک ازمنه قدیمده کثری روایت اولنور ایسهده قریب صحت برکیفیت اولندیغی د رکار در. چونکه بونلرک ترایدی امر یقا قطعه سنک کشفندن صکره ایدوکی معلوم اولوب بره زلییا مملکتیله اسپانیالورک قولونیالرنده زیاده اتون و کومش اخراج اولنمشدر. شویله که مشهور موسیو هونبولدک تحقیقاتیله مثبتدر که مذکور قولونیالرک کشفندن میلادک ۱۸۰۳ سنه سنه وارنجه یه دک یعنی او چیوز اون برسنه ظرفنده اراضی مز بورهده اوچ ملیون التیوز بکرمی بش بیک مارقه یعنی بشیوز التمش بریک او چیوز یتمش بش (۵۶۱۳۷۵) قیه اتون حاصل اولمش اولوب مدت مر قومهده

بره زيلیاده دخی بونك ايكي مثلي استخراج اولنمش ايدوكنه بنساء
 امر يقاي جنويده مدت مذكوره ظرفنده حاصل اولان التونك
 مقدار مجموعي قريب صحت اوله رق طقوز يوز يتمش التبيك بشيوز
 (۹۷۶۵۰۰) قيه به بالغ اولمش اولور . لكن ذكر اولنان مدتدن
 صكره حاصلات بوسه ياقده قالموب تنزل ايلشدر . فقط روسيه
 ممالكنده التون معدنلري كشف اولنوب سنوي اوچبيك درتيوز
 اون قيه (۳۴۱۰) التون استخراج اولنور وبومقدارك اچه جه قيمتي
 اون يدي مليون التيوز قرق بيك فرانتق ايدر كه بهر فرانتق درت بچوق
 غروش اعتبار اولنسه يوزاللي طقوز بيك يدي يوز التمش
 كبسه اچه ايدر (۱۵۹۷۶۰) . بويقينلرده بالحساب تنظيم
 اولنان جدولاه نظراً اوسترايادن بشقه بتون دنياده موجود
 معدنلردن برسنه ظرفنده چيقاريلان التونك مقداري بوجه آتي
 بيان اولنور .

يكون حاصلات هر مملكتك حاصلاتي

قيه	قيه
اوروپا قطعہ سی	
اوستريامالكي داخلنده واقع محار	۱۲۷۲
واردل وتيرول مملكتلري	
ساردنيا مملكتي	۰۰۳۲
الامانياده واقع حارس مملكتي	۰۰۰۳
روم ايلي	۰۰۰۸۰
	۱۳۸۷

اسيا قطعہ سی

۷۰۹۴ روسیہ ممالکی داخلندہ واقع
اورال و الطای طاعلری
تبت و ہندستان ۵۶۰۰

۱۲۶۹۴

۴۸۰۰

افریقا قطعہ سی یکون حاصلاتی

امریقا قطعہ سی

۶۸۰۰۰ قالیفورنیا
۱۷۶۰ برہ زیلیا
۴۸۰۰ مکسیقا
۲۸۸۰ ممالک الجمعیۃ امریقا
۳۳۰۰ غرانیۃ جدید
۱۲۰۰۰ شیلی مملکتی
۰۸۰۰ ارجانتین جمہوریتی
۰۸۰۰ پرو مملکتی
۲۰۰۰ محال متفرقہ حاصلاتی

۸۵۴۴۰

۱۰۴۳۲۱

بہرقیہ التونک بہاسی یکرمی بیک یعنی درہمی الی غروش حسابیلہ
ذکر اولنان برسندہ لک التون حاصلاتک قیمتی درت ملیون یوز یتمش
ایکی بیک سکز یوز قرق کبسہ اچہ ایدر اوسترالیانک التون معدنلری

قاليفورنيا معدنلری کبی نابت وخالص اولوب غایت چوق وکارلی اولمغله اورو پانک هرچانندن وامر یقادن وچیندن وحتی قالیفورنیا معدنلرندن دخی عمله کیدوب برایکی سنه ظرفنده بش التیوز ییک نفوس اشموکاره رغبت ایدرک او لجانبه نقل خانه ایلشدر . میلادک ۱۸۵۴ سنه سی حاصلاتی بر میلیار فرانقه یعنی سکره یایون سکر یوز ییک کبسه په بالغ اولمش ایدوکی تحقیق قلمشدر . اشته بوسیاق ایله التونک ترقبسی فیئاتنک تنزل وتندیسنه بادی اوله جغی وکومشک اخراجی دخی بومر کرده ترقی بولمیدغیندن التونه نسبتله کسب قیمت ایلیه جکی درکاردر .

ثمادار کومش معدنلری خط استواند بعید محلارده وغایت مرتفع وطاعلق مملکتدره مثلا اسوج و نور و جیاده وقطب شماله قریب محلارده بولنش اولوب صحاق مملکتدره دخی واریایسده ینه جبال شاهقه جوارنده تصادف اولمشدر . واور وپاده واقع کومش معدنلرینک ربع مقداری حاصلاتی یالکز ساقسونیا دولتی معدنلرندن حصوله کلوب محارستانده دخی کلیتو معدنلر واردر . روسیه ده اولان کومش معدنلرندن سنوی قرق ییک کبسه الحقه لقی کومش حاصل اولور وامر یقامعدنلرندن چین کشفندن میلادک ۱۸۰۳ تاریخنه قدر استخراج اولنش اولان کومشک مجموع مقداری یتش طقوز میلیون درتیوز التمش سکر ییک بشیوز (۷۹۶۶۸۵۰۰) قیه ایدوکی دفترله مراجعتله معلوم اولمشدر . الحاصل یکی دنیاده اوچیوز سنه مدته اخراج اولنان کومش اذابه اولنه رق انکله برکره اعمال اولنسه قطری تخمینا اوتوز بر ارشون اولور . سیم نابت یعنی طبیعتده بولنان خالص کومش کاه مکعب وثمرن شکلدرنده

وگاه ورقه والیاف وگاه دیش دیش و رکی هیئت و رسم کرده اوله رق
تکاوین اولیه تسمیه اولنان اراضیده واقع احجار ارا رنده
ونادرأ دخی ارضی سائرده بولنور . هر نقدر ذهب نابت
حبوی الشکل اولور ایسه ده بور سنده کومش هیچ بولنماشدر .
انهار مجر رنده واووه لرده کومش بولنر . اشبو معدن چوق کره
معادن سائر ایله مخلوط و مزوج اوله رق بولنوب بالاده ذکر
اولندیغی اوزره اکثریا قورشوندن استخراج ایدرلر . زیرا قورشون
جوهرلرینک جله سی کلی ویا جزئی دائماً بر مقدار کومشی حاویدر .
الان ایشلدلمکده بولنان کومش معدنلرینک تقریباً حاصلات سنوییه سی
بروجه آتی ذکر اولنور .

یکون حاصلات هر مملکتک حاصلاتی

قیه

قیه

اوروپا قطعده سی

اسپانیا ۳۲۰۰۰

مجار و بناد و اردل و بوقونیه ۱۵۸۰۰

ساقسونیا ۱۳۲۵۳

حارس ۰۹۴۶۴

نوروج ۰۶۳۲۰

بوهیا ۰۴۷۷۲

پروسیا ۰۴۶۹۱

انکلتره ۰۴۲۶۰

پروسیه تابع رین مملکتی ۰۱۶۰۰

فرانسه ۰۲۴۲۲

ساردنيا	۰۰۴۸۰
محال متفرقه حاصلاتی	۰۰۳۲۰
روم ایلینک حاصلاتی مجهول	۰۰۰۰۰

۹۵۳۸۲

ا سیاقطعه سی	
روسیه نك آسیاده واقع ممالکی	۱۸۰۰۰
اناطولی و چین و محال سائرہ حاصلاتی	۰۰۰۰۰
مجهول	

۱۸۰۰۰

امر بقا قطعہ سی	
مکسیقا	۳۹۲۸۰۰
یونوریر	۲۴۰۰۰۰
پرو و بولیوی	۱۳۴۰۰۰
ممالک مجتمعہ امر بقا	۰۸۲۶۶۰
شلی	۰۳۳۰۰۰

۸۸۲۴۶۰

۹۹۵۸۴۲

کومشک بر درهمی یوزاون پاره حسایلہ مذکور بر سنہ لک کومش
حاصلاتہ نك قیمی ایکی میلیون یوزطقسان یک سکزیوزالی ایکی
کبسه اچہ ایدروانکله بر کرہ اعمال اولنسه قطری تخمینایدی بچق
زراع اولور.

عنصر معدنی کومش جمله نك معلومی اولدیغی اوزره بیاض و غایت اعلا
جلا قبول ایدر بر جسمدر . حتی اجسام معدنیه ییننده بوکا یقین جلا
اخذ ایدن چلیکدن غیر اویوب آینه ایجاددن اول کومش لوحه لر
استعمال اولنوردی . اشبو عنصر صودن ارن بچوق دفعه آغر
اولوب قوه تطریقه سی و قوه انجرا ریه سی التوندن بشقه جمله
معدنلره فائقدرد . و منتصوت اولوب صداسی دخی بلند و رقیق
اولدیغدن فرانسه نك بر محلنده مناسره کومشدن بر چاک تعلیق
اولمشیدی . و بونک صداسی سائر چاکلرک صداسنه بکرمیوب
خیلی اوزاقدن ایشیدیلور ایدی .

عادی حرارتده هوانک و صنویک کومشه تأثیری یوقدر . اتون کی
عدسی الشکل جام ایله تبخیری ممکندر و حامض آزوت یعنی تیزاب
دروننده فحل اولور و محلول مذکور دروننه بر مقدار زیبق
علاوه قلنسسه مذکور حامضک زیبق ایله امتزاجی کومش ایله اولان
امتزاجندن زیاده اولمغین محلول اولان کومش دمت دمت و اغاج
رسمنده ظهور ایلدیکندن کیمیا کورلر ییننده حجر دیا نا
نسیه اولنور .

عناصر بسیینه معدنیه دن بری دخی باقر اولوب التون و کومشدن زیاده
مبدول و جوهر لری دخی هر طرفه موجوددر . باقر قدیمدیر و معلوم
و اسلمه اعمالنده مستعمل اولوب خایطداری دخی هوا و صوده
متغیر اولدیغندن ازمنه قدیمده بعضاً تیموره ترجیح اولمشیدی
اولان تیمورک قولانیلدیغی شیرده دخی استعمال اولنور . علی الخصوص
انکسترده کسرت شیوعی واردر . باقرک معادن سائر ایله
اولان خایطداری مشهور و معدن اولوب پرنج و طومباق دیتلان

خلیطه در باقر و توتیادان و طوج اسمیه معروف اولان خلیطه دخی
باقر ایله قلایدن عبارتدر .

قدیمدنبرو معلوم و مشهور اولان جیوه عادی حرارتلرده مایع
ویاخنه قریب رنگلی و مجلا و صودن اون اوج بچق دفعه
اغر بر معدنبر . مایع معدنی مذکورک حرکتی کندوسنه مخصوص
اولوب كوچك و مدور دامله ره منقسم اولور لکن ییوك
پارچه لری مدور اولوب معادن سائرتهك مذاپ اولدیغی حالده
اخذ ایلدک لری شکل دکی یا صیحه بر هیئت کسب ایدر
و متبخر اولدیغندن صوکی تبخیر و تقطیری اساندر . و بخارینک
دخی قوه انبساطیه سی چوق اولدیغندن دروننده محفوظ بولندیغی
هر قبغی محکم قابده اولسه کسر و شکست ایدر یلور . جیوه عادی
درجه حرارتده بیله تبخیر ایدر ایسه ده لکن هواسی تخلیه
اولنش قابلرده زیاده تبخیر ایتدیکی مجربدر . جیوهك عملیات کیویه ایله
انجمادی پک قولای اولوب پچاق ایله کسیده جک صورته متصل
اولور . و صفر درجه دن اشاغی قرق بش بچق درجه یه دکن
تبرید اولسه تصلب ایدوب متطرق بر معدن اولور . معلوم اوله که
کره ارضك اقطار قطبیه سنده جیوه بالطبع منجمد اولوب حتی
قطب شمالی کشفنه کیدن مشهور قیودانلر قورشون یرینه ذیق
متصلب ایله تفنک انداخت ایتشلر و بر اصبع مقدار قایللغنده اولان
تخته دن مرور ایتدیرمسلردر . و نور و چیا مملکتنده بعضاً زیاده
صغوق اولدیغندن میلادك ۱۸۳۵ یعنی هجرتك ۱۲۵۱ سنه سنده
جبال اوزرنده واقع دودآس نام شهرده جیوه کندی کندیته تصلب
و جمعد ایلش و شول مرتبه صلابت کسب ایلشکه عادتاضرب

اولنه جق درجه تسخن اولنان تیمور کی چکیج ایله ضرب اولمشدر. موقع مذکورک عرضی ۶۲ درجه، ۳۲ دقیقه ۴۰ ثابیه اولوب سطح دریادن دخی ارتفاعی یالکز ایکییک طقسان ایکی قدمدر.

تصلب ایتش جیوه بی صویه وضع ایتسه لر اریوب مایع حالته کیرر ایسه ده دروننده بولندیغی صودخی انجماد ایلر و اشبو معدن ذاتاً بارد اولوب بولندیغی محلی اصلا تمز. و ذکر اولندیغی اوزره ثقلت اضافیه سی ۵۶، ۱۳ اولدیغندن درونته الفا اولنان تیمور و قورشون و بونک کی شیردیه اینیوب اوزرنده یوزرلر. جیوه بی حل ایتک ایچون تیزاب استعمال اولنور. و تیموردن بشقه کافه معادیه تأثیر ایدوب انلر ایله اختلاط و امتزاج ایدر. و حاصل ارلان خلیطه ره دخی کیمیا کران ییشده ملغمه تسمیه اولنور. اشبو ملغمه لر حکمای مقدمین یزنده معلوم و مشهور اولوب اصول لر بنجه التون استعمال ایتک و معادنی تصفیه ایله التونه قلب ایلک ضمننده مذکور ملغمه لر استعمال ایدر لر ایدی. طبیعتده زیبق نابت و نادراً کومش ایله اولان ملغمه سی بولنور ایسه ده سائر ملغمه لر بولنما مشدر. صنایعه ملغمه لرک بر قاجی مستعمل اولوب قلائی ایله جیوه دن مرکب ملغمه آینه سریدر.

التون و یا کومش یالیزی ایچون دخی جیوه استعمال اولنور. و کیمیا خانه لده و اجزا خانه لده انواع آلات و ترکیبات ایچون صور مختلفه ده استعمالی واردر. طبیعتده بولنان جیوه جوهر لری قلور و خصوصیه ککو کرد ایله ممزوج اوله رق پک

چوق محالرده ظهور ایدر که جوهر مذکوره زنجیره طبیعی تسمیه اولور . اورویاده الک مشهور و ثمدار جیوه معدنری اسپانیاده واقع المعدن نام محله در . اشبو المعدن نام محلك جیوه جوهری قدیم اولوب حتی یونانیرك و رومالورك زمانده استخراج اولمش ایسه ده اندلس مملکتی و بتون اسپانیا قطعه سی مسلمانلرك ید تصرفلرنده ایکن زیاده ایشلدلدیکندن عربی اسم ایله شهرت بولمشدر .

(ادهم)

(بقیه سی صکره)

ناظر نافعده و معارف عمومی

(صربستان تاریخ و جغرافیای (مابعد)

صربلور فی الاصل (اسقلاون) (۱) جنسندن اولوب ابتداری افلاقك جهت شمالیه سنده بولنان قرا یاق طاغارنده ساکن ایدیلر مشهور

(۱) میلاد حضرت عیسی دن تقریباً اون بش قرن اول روسیه ده بحر حزنه منصب اولوب (وولغا) تسمیه اولنان نهرك جانب غریبسنده متوطن بر قوم وار ایدی . و بری (واند) و دیگرى (اسقلاون) نامیه ایکی طائفه ده منقسم ایدی . بونلردن مؤخرأ ملل مختلفه شعب ایتمشدر . روما دولتی تخریب ایدن اقوام وحشیه دن معدود (هنت) و (ونت) و (ویندیل) و (واندال) قوملری مذکور واند فاملیاسندن اولوب جنوب و غرب طرفلرینه یایلشدر و اسقلاونلر روما حکومت غریبه سنك اضمحلالندن یعنی میلادك مائه

هرقل رومی که یونانجه اصل اسمی هراقلیوس در (۱) بونلرك اولوقت روما حكومتته مسلط اولان اقوام وحشیه تعديا تندن ترك وطن ايتكده اولدقلرینی وشو ككفیت بالاخره خرابی مملكتی منتج اوله جغنی لدی التیقن مر قوملری هجرتك طقوز بی سنه سنده الان صر پستان دینلان و اولوقت بر بی مز یادن عدا اولنان قطعیه نقل واسكان ایتشیدی . بوندن صكره قطعه مذكوره سكته جدیده سی نامه نسبت اولمشدر . قوم مز بور مؤخرأ بر حكومت مستقله هیئتته كیره رك تار یخلری پك از معلوم اولان حكمدارلری سایه سنده هجرتك (۳۱۱) سنه سنه قدر بو حال اوزره دوام ایتشار ایهده . تاریخ مز بورده بلغا ررك (۲) وهجرتك قرن رابعنده قیاصره رومك قید تغلب وتبعیننه كرفتار اولمشدر .

خامسه سندن صكره جنوبه طوغری منتشر اوله رق جرمانیالو بعض قبیله لره قارشمشدر . روسیه دولتك اساسنی وضع ایدن اسقلا ونلدر . (۱) مذكور هرقل روما شرق ایمراطورلغی طرفندن افریقایه نصب اولنان مآءورلردن بریسنك اوغلی اولوب میلادك ۶۱۰ سنه سنده حكمدار بولنان قوقاس نام غدار ایله در سعادت خلیجنده محاربه ایدرك مر قومی قتل ایتش و اوتوزبش یاشنده اولدیغی حالده یرینه جلوس ایلشدر . (۲) بلغارلر فینلانده اهالی قدیمه سی اولان فینوارك جنسندن اولوب ابتداری وولغا نهری جوارلنده اقامت ایتشار ایهده صكره لری بورا دن مغلوباً طرد اولمغله بحر سیاه و آزاق دكزی سواحلنده تمكّن ایتش واره صره روم دولتی ممالكنه اطاله دست تعدی ایتكده بولمشلرایدی . ۴۷ سنه هجریه سنده حكمدارلری (قوورانك)

هجرتك ۴۳۱ سنه سنده صربستانك نواحی غربیه سی اهالبسی اعلان استقلالیت ایدرك كندولرندن حكمدار نصب ایتكده باشمشلر ایسه ده التمش سكر سنه صكره یعنی ۴۹۹ ده دائرة انقیاده ادخال اولمشلردر . اشبووا استقلالیت ثابیه لریده زمامکیراد ره لری اولانلر (اتیان بوازلاو) و (دابروزلاو) و (بودن) و (بولقان) نام درت حكمدار در .

هجرتك ۵۴۶ تاریخنده (چود و میل) نامنده بر صربلوروم دولتك

بش نفر اولادی حكومتی بیلنریده تقسیم ایله بونلردن آسپاروچ روسیه ده قره دكره منصب اولان طورله و اوزی نهرلینی كچرك پروت نهری جوارنده و ۶۰ سنه سنده عموما مزیده توطن ایتشلرو بوزاده بر حكومت مستقله تشكيل ایدوب ۳۵۸ ده روسیه لولره خراجكذار اولمشلرایدی بعده روم دولته تابع اولمشلرایسه ده ۳۷۰ ده شیشمان نام كسنه سلانیک طرفنده رفع لوای استقلالیت ایدرك بر بلغار حكومتی تشكيل ایتش و اخلافتدن (ژان ولادیسلاو) صربستانی دخی اشبووا یكنجی دفعه تشكيل ایدن بلغار حكومتی ممالكنه ضمیمه ایلش ایسه ده ۴۰۹ سنه سنده قیاصره رومدن ايكنجی بازیل بلغارلری حریا دائرة تابعیته ارجاع ایتش ایكن ۵۸۲ ده دفعه ثالته اوله رق بلغارستانك طوبه نهری یعنی افلاق ایالتی جوارنده اولان طرفی اهالبسی اعلان استقلالیتله افلاق و بلغار معناسنه اولان (ولاق قومان) نامیله بر حكومت تأسیس ایتشلردر . انجق غازی ییلدیرم سلطان بایزیدخان حضر تلری زماننده شوهیت ثالته بشنجی حكمداری اولان شیشمانك وجودیله برابر رهین اضمحلال اوله رق بلغارلر دولت علیه عثمانیه سلاک تبعینه منسلاک اولمشدر .

ضعف حالی فرصت اتخاذ ایله صرپستانک سر بسیت قدیمه سنی
اعاده ایتمش و مائه نامده چودومیلدن صکره شو هیئت جدیده
تالنهک طقوز بی حکمداری اولان (ایبان دوقان) اولوقت دولت
مذکوره ممالکندن بولنان سلانیک ایالتیه حواله سنی و تراله
ایالتندن و ارنودلقدن خلی شهرلی آورده قبضه تسخیر ایدرک
صرپستانی بیوتشیدی .

مومی الیهک خلفی (بشچی اوروش) زمانده علائم اضمحلال رونما
اولغه باشلیوب و بونک وفاتندن صکره صرپستان بتون بتون
فنا لشوب مر قومک وفاتی تاریخی اولان هجرتک ۷۵۸ سنه سندن
۷۷۳ ساله قدر حال اختلا لده بولمشدر .

اشبو ۷۷۳ سنه سنده سالف الذکر (ایبان دوقان)
اقر با سندن (لازار برانقوویچ) اهالینک انتخابیه حکمدار
نصب اولندرق موجود اولان فالغک اند فاعنه چاره جو اولمش
ایسه ده قوسوه محاربه مشهوره سی تصور اتنک اجرا سنه
میدان ویرامشدر . محاربه مذکوره ۷۹۱ سنه هجریه سنده
قوسوه صحرا سنده وقوعیولمش بر محاربه جسمه درکه بونده قوه
قاهره عثمانیه ایله صرپلورک اردوسی کاملاً محو و مضحل اولوب
لازاردخی قتل و اعدام ایدلمشدر .

بووقعه دن صکره صرپلوره ضعف کلی طاری اولوب و شهر
وقلا علری دخی رفته رفته جانب دولت علیه دن قتح و تسخیر اولوب
نهایت ۸۶۴ سنه سنده بلغراد دن ماعدا هپان بتون صرپستان
ممالک محروسه شاهانه دن معدود اولمشدر .

مذکور بلغراد قلعه سی فتحنه دخی غازی سلطان مراد ثانی

وابوالفتح سلطان محمد خان حضرت تبری تثبیت بیور مشلر ایسه ده تسخیری مپسر اوله مامش بر حصن حصین ایکن جنتکان قانونی سلطان سلیمان وزیر اعظم لری پیری پاشا ایله انجمن افروز بزم زرم اولدقلری خالده علی التوالی اوتوز کون محاصره دن صکره (۹۲۷) سنه سی شهر رمضانک یکر می دردنجی کونی شاهد کلچهره قمع وظفر مجلای ظهورده جلوهر کر اولمشدر . بو صبور تله صربستان بالتمام داخل ممالک محروسه اولدقدن صکر بر قاج سنجاغه تقسیم اولمشدر که بونلرک ک زیاده مهم و معتنا سی مقر حکومتی بلغراد قلعه سی اولان سمندر ه سنجاغی ایدی .

هجرتک قرن ثانی عشرنده نجه لول صربستانک بعض محله و ۱۱۲۹ سنه سی ماه رمضانک طقوز نجی کونی وزیر خلیل پاشانک بلغراد اوکنده انهرامی وقوعیله بلغراد قلعه سنه استیلا ایدرک پوزاروفچه قصبه سی (۱) قربنده ۱۱۳۰ سنه سی ماه شعبانک یکر می ایکنجی کونی یکر می درت سنه ایچون عقد اولنان مصالحه ناده ایله اورانک جهت شمال غربیسی دخی اوستریا ایمپراطوری التجی قارلوسه ترک اولمش ایدی . لکن دور سلطان محمود اولده سلطنت سنیه روسیه لوا یله محارب ایکن قارلوس فرصتی غنیمت بیللی دیو (۱۱۵۰) سنه سننده علی الغفله نقض عهد ایدوب نیش قلعه سنی ضبط ایله ممالک محروسه یه تیغلی ایتمکه باشلش ایسه ده نائل مر ام اوله میوب خائباً و خاسراً کیرو چکلمکه و یکیدن قلعه لر قمع ایتمک شویله طور سون من القدیم انده اولان یرلری بیله غائب

(۱) پوزاروفچه سمندر ه ک تقریباً ۳ ساعت الی دقیقه طرف شرق سننده واقعدر .

ایده جکفی لدى التیقن صلح طرفه میل کو سترمکه مجبور اولمغله
فرانسه قرالی اون بشنجی لوئی نك توسط وکفالتیله ۱۱۶۲
سنه سی ماه جادی الاخره سنك اون دردنجی کونی بلغراد ده
یکرمی یدی سنه ایچون بر مصالحه نامه عقد اولنه رق اوستریا نك
مقدما ضبط ایتدیکی محلا رک بلغراد و سمندره ونیش قلعه لری کبی
بعضیسی حرباً استرداد اولوب قصوری دخی عهداً تحت تسرف
سلطنت سنیه یه ادخال اولمشدر.

اقنع بایسر رزق انت نائله واحذر ولا تعرض للارادات
فاصفا البحر الا وهو منتقص ولا تعكر الا فی الزیادات
ایمپراطور مشار الیهك فوتندن صکره صندالی نشین حکمداری
اولان کریمه سی ماریاتره ز ا اصول پولیتقه سی ایجابنجه دولت
علیه ایله اتفاق التزام ایدوب حتی ۱۱۶۰ سنه سنده بر معاهده نامه
عقد یله بلغراد مصالحه نامه سنی تأیید وبوصورتله روابط حب
وطوبتی بین الدولتین تجدید وتأکید ایتمش ایکن خلف واوغلی ایکنجی
ژوزف بعض ارا ضی استدعا سیله روسیه ایمپراطور یچه سی
یوگ قترینه ایله بالاتفاق ۱۲۰۲ سنه سنده اعلان حرب ایدرک
و ۱۲۰۴ ده بلغراد و سمندره وقع الاسلام وآطه قلعه سی کبی یرلر
اسیلا ایلهرک دولت علیه ابد مدتک اولوقنکی اضطرابنی برقاده ها
تشدید ایلش ایدی.

صریستانه دائر برکابده اشبو محاربه ده مواقع عسکریه
شاهانه بی اوزاقدن اوزاغه مشاهده وتحقیق ایتک اوزره ایمپراطور
ژوزف یاننده بر قاج کشی بولندیغی وغادی بر ضابط قیافتده
اولدیغی حالده حدود ده طولاشور ایکن بلغراد ک بر ساعت مسافه

اشاغبسنده و طونه بوینده واقع و یشتیجه قریه سنده برارناود
 بیکباشی الیه اسیر دو شمش ایسده مر قوم بیکباشی یه
 مکافات کیره وعدیله کیفیدن هیچ برکسنه خبردار اولمقسزین
 قورتلدیخی مندرج اولدیغدن و کتاب مز بور مؤلفی شووقعه نك
 مشهور اولدیغنی ادا عایله برابر شك واز تیا بدن بری صورته بیان
 ایلدیکندن شو صره ده تحریر بدن صرف نظر اولنه مامشدر
 العهده علی الراوی

سنه مز بوره او اخریده پروسیا ونمچه دولتری ببنده تنظیم اولنان
 ریشنباش عهد نامه سی موجب طقوز ای مدت ایچون ۱۲۰۵
 سنه سی محرمنك طقوزنجی کونی متار که عقد اولمش و بونك اوزرینه
 زشتوی قصبه سنده وقوعبولان مکالمه مجلسلر بدن صکره سنه
 مز بوره ذی الحجه سنده بر مصالحه نامه تنظیمیله ضبط اولنان
 محارر کماکان سلطنت سنییه رد و اعاده اولمشدر

اوشانده بعض یکچیریلر صرستانده دخی اهالی و رعایای سلطنت
 سنییه حقنده بر طاق مظالم ایقاع ایتکده وازالہ وجودی چوقدنبرو
 دولت عایله نك آرزو کرده سی اولان مشهور دلی احمد پاشادخی
 توسیع دائره شقاوت ایلکده بولندیغدن ذکر اولنان مصالحه نامه نك
 انعقاد بدن صکره بلغراد محافظی تعیین بیوریلان ابوبکر پاشا
 شوفالقلرک بر طرف ایدلمسیچون کندوسنه ویریلان امر عالی
 مقتضاسنجه احمد پاشایی اعدام ایتدیروه نك ویکچیر یاردن بر طاقنی دخی
 اورادن تبعید ایدرک اصلاح احوال مملکته صرف همت ایتش
 و خلفی حاجی مصطفی پاشادخی مومی الیهک اترینه اقتفایلمش
 ایسده صر بلرله زیاده جه روی مساعده کوسرلدیکن شو حال

بولنك شمار مسنه وایلروده اكنساب ايتدكلى امتيازاته
بر مقدمه اولمشدر.

الحق طرد اولسان يكيچر يلك مؤخرأ تكرار صر پستانه
دخوللرينه رخصت و يرلمكله يولرمقد ما مطرود يتلرينه سبب
اولان اهالى يه طبيعى شدت كوستر مش و حتى حاجى مصطفى
پاشاي دخی رعالي صیانت ایتسندن طولای متهم عد ایدرك
بلغراد ده بولسان عسكرك چوغی مشهور پاسبان زاده اوزرینه
ارسال اولندیغی ائاده قلعه یی خالی بولوب اطرافنی محاصره ایله
بر تقرب ایچنه دخول و پاشای قتل ایتمشدر.

ایجاب وقت و حاله کوره يكيچر يلك حرکات مشروحه لرندن
اغراض عین اولندرق انا حسین پاشا بلغرا ده کوندرلش ایسه ده
زمان اداره سننده صر پلور يكيچر يلك شدتدن قورلق
ایچون بعض و سائنه تشبث ایتدكلى صره ده اکریسی دخی
طاغله فرار و حید و دلغه قرار ایتمشدر. نهایت صر پلو
حید و داری طاغ واور مانلرده تکر ایدوب جانلرندن یز ارا و لمغین
جمعیتر عقیدنه مباشرت ایدرك و هر چه باد اباد ديه رك سوری
سوری کزوب شوراده بوراده راست کلدكلى عثمانلیری قتله
باشلشرو کیفیت قصه لره دخی سرا یته جمله سی ایا قلنوب و یینلرنده
جناور چو بانلرندن فرط حدت و شدتله شهر تیاب اولان قره جورج نام
شخصی کندولرینه رئیس نصب ایدوب يكيچر يلى بلغراد قلعه سننده
تحصنه اجبار ایتمشدر.

نه غر ییدر که وقعه در علیه یه منعکس اولیچ صر پلوره حق
ویریلوب يكيچر يلك وجودنی صر پستاندن بتون بتون محو ایچون

اجرای معاونت ایلک اوزره بوسنه و البسی بکر پاشایه امر ویرمشدرد. والی مشارالیه کافی مقدار عسکر له کلوب صرپ اشقیاسنک تجا و زات مفسد تکارا نه لری اوکنده بر حصن حصین مثابه سنده اولان یکچیری جمعیتی طاعتد قدن و متقد لری کاملاً اعدام ایتد کدن صکره صر پلوری ترک سلاحه دعوت ایتمش ائسمه ده چه فائده ایش ایشدن کچمش و صر پلور لذت سر بستی طاعتش بولندیغندن اجابت ایتماشاردرد. بنأ علیه بکر پاشا اترق صر پستانده ایشی قالما مغله مملکتی مشکوک بر حالده براغهرق محل مأمورینه عودت ایلشدر.

اشته اولوقت روسیه دولتی بوک دلی پتروک براقدیغی وصیننامه ناک (۱) اوچنجی واون ایکنجی ماده لرینه رعایتله صر پلور سز دولت علیه دن بعض امتیازات طلب ایدک و بن استانبولده اولان سفیرم واسطه سیله بوبابده سزه معاونت ایدرم دیو طریق سر بستی یارائه ایدرک ملت مذکورہ یی طرفه میل ایتدیرمشدرد.

بونک اوزرینه صر پلور ویره کلد کلری تکالیف متوعه یی بوندنبویله طویدن برویزکوا یله ادا ایتلری و مملکتلری اداره سنک کندولرینه حواله سیله برابر قلعه لر عساکر مستحفظه سنک جله صر بلودن مرکب اولسی کی امتیازات استدعاسنه

(۱) مذکور وصیننامه روسیه لونک عاداتا اساس پولتیقه سی مقامنده اولوب مؤرخ عهد سماحتلو جودت افندی حضر تلر ینک اثر خامه مدققانه لری اولان تاریخ جیلک جلد ثالثده محرر در

قالقشمش و طرف دولتدن كندول ينه اولنان تصايح واقاداته
رد ايله جواب ويرمش اولدقلرندن ۱۲۲۰ سنه سنده نيش
والهسي حافظ پاشا بلعزاد محافظي تعين اولنوب عصيان قوه جبريه
ايله باصدير منعه مامورا ولدی . (بقیه سی صکره) (احدر فعت)

(شکره دائر معلومات)

شکر فولدالما و مولدالموضه تعیر اولنان غازل ايله قار بوندن یعنی
خالص کوردن مرکب اولوب طعمی لذیذ و صوده ممکن اخل و بعض
عملیات کیمویه واسطه سیله اسپرتویه و حامض خمه تحویلی قابل
یر جسمدر . پانجار و شکر قامشی و صورغو دینلور دیگر بر نوع
نیاتدن استحصال اولنور . صورغو مقدملری بورالده مجهول
ایکن چند سنه مقدم موسیوزوهراب تخمینی جلب ايله بروسده بولنان
چفتلکنه زرع ایدرک احداث و تکثیرینه سبب اولشدر . شمیدیک
بروسده صورغودن یا لکن یکیز و اسپرتو چیقار یلیور . ایلروده
شکر استحصاله دخی همت اولنه جغی درکاردر . فقط الک اعلی
شکر پانجار ايله شکر قامشندن استحصال اولنه کلدیکندن
بونلردن شکر استخراجی اصولی تعریف اولنه حق ایسده بوندن
اول پانجار زرعنک اراضیجه درکار اولان فوایدینک بیانه
ابتدار اولنور .

پانجار زرعی ارضک قوه انباتیه سنی تقلیل ایتدیکندن زراعتجه
یک فائده لو بر شیدر . چونکه جوف ارضده نباتاتی بسلیان
(آزوت) تعیر اولنان عنصر اولوب پانجار سائر نباتات مثلاً
ارضده بولنان آزوتی اخذ ایتدیکندن بشقه بلکه ارضه بر مقدار

آزوت دخی اعطا ایلدیکندن نباتات سائرہ زرعیله یورولمش و آزوتی
 تقلل ایتمش اولان بر ترلایه پانجبار زرع اولندیغی حالده مذکور
 ترلا پانجبار دن آزوت اخذ ایله قوه انباتیه سی تجدد ایدرک هر درلو
 نبات زرعه صالح اولور . بئنه تعالی ایلروده مملکتزده شکر
 فابریقه لری احداث اولنده رق پانجبار زرعی رواج بولوب قوه
 انباتیه سی تجدد ایتک اوزره سنه لرحه بوش براغیلان ترلاره پانجبار
 زرعیله هیچ بر سنه متروک قالماسنه سعی اولنسی تمنی اولور .
 بر ترلانک قوه انباتیه سی تجدد ایچون اکثریا کوبره وسائرہ
 استعمال اولنمقده ایدوکی معلوم اولوت پانجبار زرع اولنان ترلا ایچون
 ایسه بو مثلوتدایره اصلا حاجت مس ایتن . برده پانجبارک
 اینجه اینجه کوکلی اوج ارشون عمقده یه کوهلدیکدن ارضی
 قابل نفوذ ایدرک پانجبار زرع اولنان ترلا بو صورتله دخی تقویت بولور .
 و پانجبارک یا پراقلری مثلوماده سکریه یی حاوی اولیان یزلی حیواناته
 زیاده یرایه جغندن زراع طائفه سی پانجبار زرعتدن بوجمته ده
 استفاده ایدر . فقط متمادیاً بر ترلایه پانجبار زرع اولنور ایسه ماده
 سکریه سندن استفاده ایتک اوزره مذکور ترلایه بر طاقم
 بوجکلر تجمع و رفته رفته کسب جسامت ایدوب ترلایه ضرر
 ویره جکلرندن بشقه هر سنه پانجبار زرع اولنان ترلا زیاده قوتلنرک
 بر چوق اجنبی نباتاتک دخی اوکی النقی ممکن اوله میه جغندن پانجبار
 سائر نباتات زرعیله یورولمش و قوه انباتیه سی تجدد ایتسون دیو
 زراعتدن خالی براغلمش اولان ترلاره زرع اولنقی اولادر .
 پانجبار زراعتک ارضجه اولان فوائدی افادات مشروحه دن معلوم
 اولدی . کله م پانجبار دن شکر استخراجک تعریفنه . پانجبار

کاله ایردکده قویار یلوب یا پراقلری و کولکرینک سطح ارضه
 تلاق ایله یایراق حصوله کتورن طرفلری ماده سگریه یی حاوی
 اولدیغندن بونلر و قویار یلور ایکن سقطلنالنر قطع و تفریق
 اولنه رق قصوری بر مخزنه جمع و بعده بر دقیقه ده سکر یوز دفعه
 محوری اوزرنده حرکت ایلیان و یک ساده و بسیط اولان بر نوع
 رنده ایله رنده لند کدن صکره یو کدن معمول چواللر درونه
 وضع اولنه رق بزم شکر جیلرک استعمال ایلدکلری منکنه یو کدنکنده
 بر منکنه ایله لدی التعصیر عصاره سی اخذ قنلور . عصاره مذکوره
 یک چاپک بوز یله جغندن در عقب تصفیه اولندقدن صکره بر مقدار
 دخی قیناد یله رق قویولشدیر یلور . عصاره مز بوره ک صورت
 تصفیه سنه کلنجه عصاره مستحصله بر قزغانه وضع اولنه رق
 الی بش درجه تسخین اولندقدن صکره عصاره موجوده یک تسعی
 مقداری کرجلو صوبی ازار ازار بعد العلاوه عصاره ک
 صیجاقلغی طقسان بش درجه یه واصل اولدقده اوزرنده یشترک
 کو یوکلر حاصل اوله رق عصاره کسب صفوت ایتکه باشلار .
 اولوقت قزغانک التنده اولان موصلق اچیلوب عصاره مذکوره
 ایریجه سحق اولنش فحم حیوانیدن کچیر یله رک سوز یلور .

(بقیه ی صکره)

حافظ حسین

(از شاگردان مکتب طیبیه)

(اصول تأمینیه) (مابعد)

اصول تأمینیه نك اجرایی حقنده تشكیل ایدن شركتلر با شلیجه ایکی نوعه منقسمدر. برینه شركت تأمینیه بحریه و دیگرینه شركت تأمینیه بریه اطلاق اولتور. شركت تأمینیه بحریه دن مقصد سفاین تجاریه سیغورطه سی یعنی تأمین قضایه سی اولوب بونك صورت اجرا و فوائدی یکن دفعه کی مجموعه فنونده ذکر اولمشیدی شركت تأمینیه بریه یه کلنجه بونك علت غائییه سی دخی املاک و عقاراته قضاء ترتب ایدن خسار و زیانك تضمینی خصوص صیدر. مثلا بر خانه و یا دكان محترق اولدیغی حالده اگر بونلر وقتیه تأمین ایتدیرلش ایسه شركت تأمینیه تضمین ایدرك صاحبی متضرر اولمز. اشبو تأمین اصولی یالکز حریق خصوصنه مختصر اولوب طولوتزولی و انهار طغیانی و سائر سببیه بعض سنه رده محصولات ارضیه دخی آفرده اوله جغی درکار اولدیغدن چقناک اصحابی و زراع طائفه سنی و قایه اراضی مزروعیه یی دخی تأمین ایچون متعدد شركتلر واردر.

شركت تأمینیه بریه انواعدن الك زیاده کسب جسامت و اهمیت ایتش اولان حریق شركت تأمینیه سیدر. انکلتره و فرانسه ده حریقدن تأمین اولنان اموال و املاک ثنی ایکی ییک میلیون لیریه تقدیر اولتور. حریق شركت تأمینیه سی اکثر یاپک جسیم اولوب بونلردن بعضیلری تمتع و خسار شركت حصه داراننه و بعضیلری دخی تأمین اولنان املاک اصحابی بیننده کویا عندالایجاب یکدیگرینه معاونت ایتک شرطیه عقد شركت و اتفاق اولمش صورتیده

کار و ضرر اصحاب املا که عائد اولی اصولی اوزره تشکل ایتشدن
 بر خانه تأمین اید ملک مراد اولندیغی حالده خانه مذکور ک قیمت
 صحیحه سی مقدارینه نسبت صا حبی طرفندن شرکت صندیغنه
 یا دفعه و یا خود سنوی بر مقدار معین مبلغ اعطا اولتیق شرطیه
 عقد مقاوله اولنه رق صاحب خانه مبلغ مذکور ی تأدییه ایتد کدن
 صکره هر وقت خانه مذکور محترق اولور ایسه شرکت تضمین
 ایتکه مجبور در شرکت تأمینیه لک نظامانی یکدیگره یک مطابق
 اولدیغندن هر برینک شرائط مخصوصه سی مقاوله سنداتی
 ظهرنده محرز در تأمین اولنان بر مالک لدی الاقضا تضمینی صاحب
 مالک شرائط مذکوره یی تمامیه ایفا و اجرا سنه متوقف اولوب
 عکسی تقدیرنده تضمینات دعواسنه حتی اوله مز
 شرکت تأمینیه لک جله سی حقنده جاری اولان شرائط اساسیه لک
 بریسی بر مالی انحق متصرف حقیقه سی تأمین ایتدیره بیلکدر
 بر مالی تلفیه متضرر اولسان بر شخص تأمین ایتدیره میوب
 ایتدیرمش اولسه بیله مؤخرأ تضمینات ادعا سنه قالدیه مز
 ایکنجی شرط بر مال دکر بهاسندن زیاده ایله و یا خود مکرراً تأمین
 اولنه مامقدر زیر بر مال قیمت حقیقه سنک بر قاج مثلی بهاس
 تقدیر یله و یا خود مکرراً تأمین اولنسه اشبو ایکی صورته دخی
 مال مذکورک تلفیه صاحبک مستفید اوله جخی درکار اولغله
 بوندن مال مذکورک سرعت اتلافنه صاحبی تشویق و اغرا چیقار
 بناء علیه دکر بهاسندن زیاده یه و یا خود مکرراً اموال تأمین
 ایتدیر لرحیه کارلق تمثیه متهم طو تیلور الحاصل شرکت تأمینیه
 بریه و بحر به نک اساسی بر اولوب بونلرک تأسیسندن مقصد دخی

برجوق ادمدن انسان جزئی مقدار مبلغ ایله برکشی یه اصابت
ایدن ضرر کلی بی تضمین ایدرک ممکن مرتبه اهانینگ حریقدن
وآفات سائره دن ناشی بردن به دو چار فقر و پریشانی اولمالری
قضیه خیریه سیدر.

برده املاک و عقاوی اولیوب تعبشی اجرای صنعتیه
متوقف اولان واختیار لغنده کند و سنک و بعد وفاته
فامیلیاسنک دو چار فقر و احتیاج اوله جغی ظاهر بولسان
اشخاص حقنده اجرا اولسان تأمین اصولی وارددر . بو خصوص
ایچون تشکل ایدن شرکتلره دخی شرکت تأمینیه شخصیه اطلاق
اولنور . باشلیجه ایکی نوع شرکت تأمینیه شخصیه اولوب بریسنک
اصولی شرکت صندیغنه دفعه بر مقدار مبلغ و یر یله رک بوکا مقابل
وفات ایدنجه دکین شرکت طرفندن سنوی بر مقدار معین
مبلغ التقدیر بواصول مالیه خزینه جلیله سندن چیقاریلان
اسهام عادیه اصولنه یک مطابقدر . ایکنجیسی برادم وفاتندن صکره
فامیلیاسنه و یا خود تعیین ایتدیکی شخصه شرکت طرفندن
بر مقدار معلوم اقچه و یر ملک شرطیله حیاتده اولدقجه شرکت جاننده
سنوی بر مقدار معین مبلغ اعطایلیکدر . مانحن فیهه مطابق اولان
اشبو ایکنجی نوع شرکتلری اولوب بونلرک فوائده و محسناتی اشکاردر .
چونکه کدیمین و عرق جیغنی ایله تعبش ایده کلان صنوف عمله ایله واردات
معینه لری اولیوب کاتب و طبیب و معلم و مأمورین ملکیه و عسکریه کی
ثمره خدمت و صنعتلریله کچنان ادملر وفاتلرندن صکره ممکن مرتبه
فامیلیالرینی فقر و احتیاجده بر اقامق چاره سنک استحصالنه هنوز حیاتده
ایکزن صرف مساعی ایلالری اقدام وظائف طبیعیه لرندن اولمقله

اشبو ایکنجی نوع شرکت تأمینیه شخصیه شوماده مهمیه برچاره
بولقدن عبارتدر . مثلاً سنی اوتوزده اوله رق زیرده کوستریله جک
حساب اوزره یکر می سکر سنه دهها معمر اولسی فرض اولسان
برطیب سنوی الی التمش بیک غروش و یا دهها زیاده قزاندیغی
واوتوز یاشنده تأهل ایتدیکی حالده طیب مر قوم صحیحاً یکر می سکر
سنه دهها معمر اولور ایسه هر سنه تمعنندن بر مقدار اچهار تره رق
بونکله وفاتندن صکره فامیلیاسنی احتیاجدن قورتاره جق قدر
بر سرمایه تدارک ایده ییله جکی امر محقق ایسه ده
الی سکر یاشنه واصل اولوب اوله میه جغی مجهول اولدیغندن
طیب مر قوم کیدوب شرکت تأمینیه شخصیه صندیغنه
سنوی اون لیرا ویرمکی تعهد و شرکت دخی بوکا مقابل وفاتندن
صکره فامیلیا سنه التیوز سکسان لیرا اعطاسنی در عهده ایلر .
چونکه طیب مر قوم اوتوز یاشندن صکره یکر می سکر سنه
دهها معمر اوله جغی فرض اولندیغندن هر سنه ویردیکی اون لیرا
یوزده بش اعصابریله فائضه ویرلسه وائان فائض هر سنه
رأس الماله ضم اولنه رق بونک ایچون دخی گذشته ایشلدلسه
یکرمی سکر سنه طرفنده اصل سرمایه ایله فائضی و فائضک
فائضی تمام التیوز سکسان لیرایه بالغ اولور . شرکت ایله بو
صورتله عقد مقاوله اولندقدن ایکی کون صکره طیب
مومی الیه وفات ایتسه شرکت طرفندن فامیلیا سنه بلا تردد مذکور
التیوز سکسان لیرا دفعه تأدیه اولنه جغی مثلاً اکر
طیب مومی الیه اوتوز یاشندن صکره یکر می سکر سنه معمر
اوله جق ایکن التمش سنه معمر اولور سه هر سنه شرکت طرفنه

اون لیرا اعطاسنه مجبوردر . صورت اولیده طیبیک فامیلیاسی و صورت ثانیه ده شرکت کارایتمش اولور . کلدلم طیبی مرکومک اوتوز یاشندن صکره یکر می سکر سنه دهها معبر اولمی فرضیاتنک اساسنه . اور و یاده اکثر محملارده بر سنه ایچنده تولد ایدن ییک چوجوق ایچون لاجل التجربه بر دفتر مخصوص طویلوب بونلرک هیچ بری صاغ قالمیجیه قدر هر سنه قاج نفری وفات ایتدیکی بالتحقیق دفتر مذکوره اشارت اولنور . بو مثالود دفترک الک زیاده صحیح و معتبری انکلهترده (قارایل) و (نور تامتون) نام محملارده طویلان دفتردر . بونلره نظراً بر سنه ایچنده تولد ایدن ییک چوجوقدن نهایت اوچوز یتش التبسی اوتوز یاشنه واصل اوله یلوب قصوری اوتوز یاشنه وارمزدن اول وفات ایتدیکی و اوتوز یاشنه واصل اولان مذکور اوچوز یتش التی کشتنک دخی هر بری سن مختلفده وفات ایدرک بونلرک اوتوز یاشندن صکره اولان مدت عمرلی بر ارایه جمع و حساب اولندقدده یکونی ۱۱۲۸۰ سنه یه بالغ اولوب عدد مذکور اوچوز یتش التی عدد یله تقسیم اولندقدده ذکر اولنان اوچوز یتش التی کشتنک هر برینه اوتوز یاشندن صکره یکر می سکر سنه مدت عمر اصابت ایلدیکی اکلا شلمشدر . شرکتک اعتقاد تبعه بر منوال محرر بر سنه ایچنده تولد ایدن ییک چوجوگک انجق اوچوز یتش التبسی اوتوز یاشنه بالغ اولوب بونلرک دخی بر بری اوزرینه اوتوز یاشندن صکره مدت عمرلی یکر می سکر سنه اولد یغندن شرکت تأمینیه شخصیه نک معاملات اشبو قاعده یه تطبیقاً اجرا اولنور . قاعده مذکوره یه توفیقاً انکلهترده اوچوز دن متجاوز شرکت تأمینیه شخصیه

تشکل ایتش اولوب بونلرک درعهده ایتدکلی مبالغه مقدار یوز
التمش میلیون انکلز لیراسندن زیاده در مذکور شرکتلرک
بعضیلری یوزسنه دنبرودوام ایتدیکندن اساس اتخاذ ایتدکلی
قاعده نک صحتی بالتجربه دخی ثابت اولمشدر.

اشبوش شرکتلرک کثرت ودوامی مأ مورلرینک اهلیت واستقامتی
وعوماً انکلزلرک هر ششیده احتیاطکارانه طوراند قلمینی مثبت
برکیفیتدر مشاهیر مؤلفیندن برذات مدینتک هر برشعبه سنده
انکلزلرک ملل سائره یه تفوق ایتدکلی اثبات ایچون انکلتره ده
بولنان شرکت تأمینیه شخصیه لک کثرت وانتظامی خصوص سنده
دخی بر دلیل جدید بولمش اولدیغنی بیان ایلشد.

(بقیه سی صکره) (آلکساندر)

(خلاصه پولیتیکه)

فرانسه

اشبوماه جمادی الاولینک یکریمی اوچنچی کونی فرانسه مبعوثان
ملت مجلسی کشاد و طرف ایمراطوریدن بر معتاد برنطق رسمی ایراد
اولنهرق بونده لهستان مسئله سی حقنده دول متفقہ نک اختیار
ایده جکلی مسلکه دائر مصرح برسوزیو غپسده لهستانک
مقاسمه ماده سی و صورت اداره سی مندرج بولنان ۱۸۱۵ سنه سی
ویانه معاهداتک اکثر موادی تقابل زمان ایله میفسخ اولاش

ودیکر لرینہ دخی رعایت اولئما مقدمہ بولئمش ایدو کندن معاهدات مذکورہ نک کلیاً منفسخ حکمنہ کیرمش اولدیغی وتبعہ نک قهر و تغلبہ اداره سی وقتی مرور ایدوب هر حالده حکم زمان وافکار اہالی وزیردستانی پلش نظر مطالعہ یہ آلمق لازمہ دین بولندیغی و کرک لہستان مسئلہ سنک و کرک اوروپا دہ دوران ایدن مسائل سائرہ نک حلی ایچون دول مناسبہ مرخصلرندن مرکب برقونغرہ عقدینہ احتیاج کورندیکی بیان وتذکار ومؤخرأ مسائل موجودہ نک حلی ایچون برقونغرہ لزوم عقدندن بحثلہ بوبابده استفسار رأی متضمن دول مناسبہ یہ برر قطعہ تحریرات رسمیه دخی ارسال وتسیار قلمشدر اولیسی کون وارد اولان برتلغرافنامہ مآلنہ نظراً ذکر اولنان قونغرہ نک عقدینہ ایتالیا دولتی طرفندن موافقت کوسترلش ایسده دول سائرہ جانبدندن نوجملہ جواب ویریلہ جکی هنوز معلوم اولہ مامشدر مذکور قونغرہ عقد اولنور ایسہ لہستان مسئلہ سندن بشقہ برطاقم مسائل سائرہ دخی موضع بحثہ قونیلہ جغی درکار اولمغلہ برمشکل حل ایدلم دنیلوزایکن مشکلات عدیدہ ظہورندن خوف اولنور.

لہستان

بوارالق لہستانبحہ بروقعہ جدیدہ مہمہ اولیوب فقط طرفین بیندہ اوفق تفک محاربہ لر اکسک دکدر روسیہ مأمورین وعساکری نک ظلم و شدتی دائماً تزايد اوزرہ اولدیغی مثللو اہل لولرک مقاومت شجاعانہ لری دخی کوردکلری مظالم نسبتندہ

ترقی ایتمکده در روسیه دولتی بوقش وقوع محاربه دن ادین اولدیغندن نه درجه صورت ظالمانه و وحشیانه ایله اولورسه اولسون لهستان اختلائک ایلك بهاره دکین همه حال تسکینی ضمنده پرنس مورایف وجزال برغ طرفندن فوق العاده سعی وغیرت و بومقصد و وصول ایچون نسیاطائفه ضعیفه سی حقندنه بیله مدینت حاضره عصره یا قشمر صورتده ظلم و شدت کوسترلمکده در لهستان مقاسمده سی ماده سی مندرج بولنان ۱۸۱۵ سنه سی ویانه معاهده نامه سنک کلیا فسخ و بوجهتله روسیه لونک لهستان اوزونده اولان حقوق تصرفیه سندن اسقاط اولدیغنگ اعلانیله برابر لهاولره بفرقه محاربه نظریله با قلمسی خصوصنه دائر برآید نبرو انکلتزه و فرانسه و اوستریا دولتری ییننده مخابرات متعاقبه اجرا اولمقده ایدی معاهده مذکوره نک فسخنه اوستریا دولتی طرفندن موافقت کوسترلماسی تصورات مشروحه نک اجرای فعلیاتنه مانع اولمشد در فرانسه ایمرای طورى طرفندن مؤخرأ ایراد اولنان مقاله رسمیه دن لهستان مسئله سنک عقدی تصور اولنان قونفره یه حواله اولنه جغی اکلا شیلیور ایسه ده ایمرای طور مشارالیه طرفندن تکلیف اولنان قونفره نک عقدینه انکلتزه و اوستریا دولتری طرفندن موافقت اولنوب اولنمیه جغی هنوز مجبولدر

روسیه

شاید محاربه وقوعبولور ملاحظه سیله روسیه دولتی طرفندن هر درلوتدارکات حریه یه تشبث اولندیغی صمرده لهستاندن معدود

اولوب اوستریا دولتی یونده بولنان غالیچیا ایالتی حدودینه دخی مکمل بر اردو سوق اولنش و حدود مذکوره ده بولنان قلاع و استحکاماتک کاملاً تجدید و تحکیمه مباشرت قلمشدر . قریک بعضی مواقع مناسبه سبه دخی استحکامات متعدده انشاسی متصور بولندیغی مرویدر . روسیه غزله لریک روایتیه کوره دولت مشارالیه طرفندن اختلال تسکین اولندقدن صکره له لورک امتیازات موهومه لری کلیافسخ اولنهرق لهستانک سائر روسیه ایالاتی کی اداره سنه قرار ویرلشدر .

قریم سواحلنه استحکام انشاسی حوادثی قوت بولندیغده اولوب بوا یسه پارس معاهده سی احکامنه مغایر بولندیغندن بمثلله انکلتره دولتی طرفندن پترسبورغده مقیم سفیری واسطه سیله روسیه خارجه نظارتنه استعلام حقیقت حالی متضمن بعضی تبلیغات اجزاء ایدلش ایسه ده نصورتیه جواب ویرلدیکی دهها معلوم اوله مامشدر .

یونانستان

یونان قرالی حشمتلو یورکی حضرتلری ماه حاک اونیدنچی کونی اتیه مواصلت و وکلای مقتضیه یی نصب و تعیین ایله ادارهٔ مملکتیه مباشرت ایلشدر . معلوم اولدیغی اوزره جزایر سبعه نیک یونانستانه الحاقنه جزایر مذکوره ملت مجلسنده قرار ویریلهرک انکلتره دولتی طرفندن دخی جزایر مذکوره ده بولنان استحکاماتک هدمی شرطیه الحاقه رضا کوسترلش ایدی . بوکره انسان

اخبار اخيره به نظراً مجلس مذکور طرفندن استحکامات
 مزبوره نك عدم هدمی طلب اولوب بوايسه انكلتره دولتی طرفندن
 بیان اولنان شرائطك خلافتده برکيفيت بولنديغندن مسئله نك
 صورت قطعیه ده حلتیه منتظراً مجلس مذکورك مدتی التی آی
 دها تمديد اولمشدر . اوستریا دولتی جزایر مذکوره نك یونانستانه
 التحاقی انحق استحکاماتك هدمی شرطیه تصدیق ایده جکنی
 قطعياً بیان الممش و بعض دولتر طرفندن حتی جزایر مذکوره نك
 یونانستانه الحاقی ماده سنه بيله اعتراض وقوع بولمشدر . وحشمتلو
 یورکی حضرتلرینك یونان قرالغنی قبول ایدیشی ايسه جزایر
 مذکوره نك یونانستانه الحاقیله برابر جزایر مزبوره
 وارداتندن کندوسنه بشقه جه سنوی اون بیک لیرا تخصیص
 اولمشی شرائطی اوزرینه مؤسس اولوب التحاق ماده سی الان
 حاصل اولمش دیمك اولمدیغی مثللو روایتیه کوره جزایر
 مذکوره اها لیبسی طرفندن قرال حضرتلرینه سالف الذکر
 اون بیک لیرا نك تخصیصنه دخی موافقت کوسترلما مکده ایدوکندن
 شو حالله نظراً یونانستان مسئله سنه هنوز انحلال پذیر
 اولمشدر دینله مز .